

COMUNE DE NURAGUS

Provìntzia de
CASTEDDU

UFÌTZIU DE IS
SERVÌTZIUS SOTZIALIS

BANDU PÙBLICU ATZIONES DE CUNTRASTU A SA POBORESA

SU RESPONSABILÈ DE S'ÀREA SÒTZIU-CULTURALE

Antitzipadu

Chi cun delibera de sa Giunta Comunale n.40 de su 07.09.2015 sunt istados indicados is critèrios ùtiles a isvilupare su programma contras a sa poboresa grae.

FAGHET A ISCHIRE

Chi finas **a is 13:00 de su 02 de Ladàmini de su 2015** sunt abertos is tèrmines pro pòdere presentare sa domanda e leare parte a su programma de interventos de cuntrastu a sa poboresa, chi tenet a iscopu su de garantire unu rèdditu mìnimu a famillias e personis chi s'agatant in cunditzones de poboresa, pro mèdiu de progetos de interventu personalizados chi s'ghent is inditos de sa Regione pro su chi pertocat su bandu in ogetu.

ART. 1 OGETU

Custu bandu tenet a ogetu s'atuatzione, in su territòriu comunale, de su "Programma pro s'acumprida de interventos de cuntrastu a sa poboresa grae", cun s'iscopu de garantire unu rèdditu mìnimu a is famillias e a is personis chi bivent in cunditzones de poboresa, pro mèdiu de s'ativatzione de percursos de agiudu personalizados e capassos de partzire in sa mègius manera is resursas segundu is bisòngios de sa comunidade de Nuragus; **cun custu bandu s'ant a retzire is demandas e s'at a aprontare sa graduatòria.**

ART. 2 TÈRMINES E MANERA PRO PRESENTARE SA DOMANDA

Is demandas s'ant a dèpere cumpilare solu in su mòdulu dedicadu e alliongiadu a custu bandu e postu a disponimentu in is ufìtzios de su Comune e in su situ de su Comune de Nuragus: www.comune.nuragus.ca.it

Is demandas at a tocare a ddas presentare a s'Ufìtziu de su Protocollo de su Comune in intro de is **13.00 de su 02 de ladàmini de su 2015**, paris cun custos documentos:

1. còpia de unu documentu de reconnoschimentu;
2. còdighe fiscale;
3. ISEE fatu a norma de sa lei noa bàlida de su 01.01.2015

Su Servìtziu Sotziale comunale, finas pro voluntade de entes o organismos de voluntariadu e de su setore sotziale privadu, podet providire de ufìtziu a presentare sa domanda pro totu is sugetos chi non podent o non sunt bonos a dda fàghere;

ART.3 – CALIDADE DE IS INTERVENTOS

Cuntzessione de agiudos pro personis o famillias in cunditzones de poboresa acrarada e grae.

DESTINATÀRIOS DE SU PROGRAMMA

Podent leare parte a is interventos prevididos dae custa linia is tzitadinos residentes in Nuragus e chi tengant unu Indicadore de sa Situazione Econòmica Echivalente (ISEE – segundu su D.Lgs 31 martzu 1998 n. 109) **non prus artu de Èuros 4.500,00 s'annu, contendi is rèdditos esentes IRPEF. S'atzessu a s'interventu est dedicadu a is utentes chi tenent prus de 65 annos e chi non faghent parte de unu nùcleu familiare in ue ddoe sunt àteras personis capassas de fàghere su servìtziu tzìvicu, donende prus atentu a is chi bivent solos e chene peruna resursa econòmica;**

MANERA PRO CARCULARE SU RÈDDITU

Su rèdditu chi tocat a leare in consideru pro gosare de is interventos in ogetu est su de s'ISEE CHI INCRUET finas is rèdditos esentes dae s'IRPEF.

Tocat de cunsiderare comente rèdditos esentes dae s'IRPEF totu is providimentos fatos a sa sighida o pro pagu tempus, finas dae àteras amministraziones pùblicas, cun sa finalidade sotziale de assegurare unu contributu econòmicu a is persones chi pro disabilitade o inabilitade non podent traballare, o àteros agiudos econòmicos cun s'iscopu de cumpensare sa mancàntzia o unu rèdditu bàsciu meda finas in casu de maladies particulares.

S'acrarat chi dae su valore ISEE tocat a nde leare sa summa de is resursas chi sunt istadas partzidas in occasione de is interventos contras a sa poboresa in s'annu in antis de àere presentadu sa decrarazione sostitutiva ùnica, e su matessi cheret cunfrontadu cun su paràmetru suo in s'iscala de echivalèntzia.

PROGETU DE INTERVENTU

Is interventos de sustènniu econòmicu ant a èssere partzidos segundu unu progetu personalizadu detzìdidu cun su Servìtziu Sotziale comunale, chi leat in consideru sa situatzione sòtziu-sanitària de su chi faghet domanda. In su progetu s'ant a inditare is maneras pro dare su contributu e is impinnios chi s'utente benefitzìariu si leat.

Su contributu s'at a pòdere cunsenniare o cun contributos in dinai o cun àteras maneras chi siant giustas pro superare su discumbèniu (podent èssere bonus pro comperare prodotos chi est prus pretzisu a tènner, bonos pro sa mensa de is pipios de s'iscola materna, su pònnere a disponimentu unu amministradore de sustènniu).

S'importu de contributu at a èssere contatu in custa manera:

fàscias ISEE	IMPORTU DE SU CONTRIBUTU MENSILE
ZERO	€ 300,00
FINAS A 1000,00	€ 250,00
FINAS A 2000,00	€ 150,00
FINAS A 3500,00	€ 100,00
FINAS A 4500,00	€ 64,954

Chi si presentat paridade, at a valutare su servìtziu sotziale segundu is elementos documentàbiles chi tenet a disponimentu.

ART.4 – CONTROLLOS E SANTZIONES

S'Amministrazione Comunale at a pòdere averiguare pro chi sa situatzione econòmica e familiare decrarada siat bera. Tenende contu de is santziones chi s'ighent su DPR 445/2000, in casu chi bessant a pigiu decraratziones farsas o abusos s'at a protzedere cun sa firmada o sa revocatzione de is benefitzios.

Su Comune at a pòdere fàghere finas verificas de candu in candu, pro averiguare chi siant realizados is progetos personalizados de agiudu e chi siant otenende is resurtados prevididos.

ART.5 - INFORMATIVA SUBRA SA PRIVACY

Segundu e pro more de s'art. 13 de su D. Lgs. n. 196/2003:

1. is datos personales chi ant dadu pro leare parte a su protzedimentu ant a èssere imperados feti pro is finalidades istituzionales de s'Amministratzione;
2. a dare is datos est òbligu; su de non chèrrere comunicare is datos iat a pòdere firmare su protzedimentu;
3. su manìgiu de is datos at a èssere siat manuale chi informàticu e s'at a fàghere in su respetu de sa siguràntzia e de sa segretesa issoro; s'ant a pòdere imperare ainas manuales, informàticas e telemàticas capassas de ddos ammentare, gestire e isparghinare;
4. is datos delicados e giudiziàrios no ant a èssere isparghinados, ma unos cantos iant a pòdere èssere comunicados a àteros entes pùblicos e privados chi ddus ant a imperare pro is atividades istituzionales prevididas pro regulamentu de su D. Lgs. n. 196/2003;
6. faghet a s'indirizzare a su titolare o a su responsàbile de su tratamentu in manera non formale pro avalorare is deretos de s'interessadu, segundu s'art. 7 del D. Lgs. n. 196/2003.

PRO TOTU IS ISCEDAS FAGHET A PREGUNTARE A SU SERVÌTZIU SOTZIALE

Nuragus, li 22/09/2015

Su Resp.le de su Setore Sòtziu Culturale
F.du Ass. *Sotziale Iosa Masili*